



Broj: 14-11-2277/23
Vogošća, 24.01.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 24.01.2024. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE NABAVKE I ISPORUKE
TOPLOTNE ENERGIJE ZA 2024. GODINU, ZA POTREBE OPĆINE VOGOŠĆA

Član 1.

Ponuda ponuđača "Bags-energotehnika" d.d. Vogošća, ulica Igmanska bb Vogošća, odabrana je za pružanje usluge nabavke i isporuke toplotne energije za 2024. godinu, za potrebe Općine Vogošća, kao jedina pristigla ponuda, sa ponuđenom ukupnom cijenom nabavke u iznosu od 29.830,00 KM bez uračunatog PDV-a, odnosno 34.901,10 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.12.2023. godine donio Odluku o pokretanju Otvorenog postupka nabavke i isporuke toplotne energije za 2024. godinu, za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.12.2023. godine pod brojem: 1353-1-2-276-3-231/23.

Sažetak Obavještenja o nabavci objavljen je u "Službenom glasniku BiH" broj: 1/24 od 05.01.2024. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za dostavu ponuda bio je 23.01.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.01.2024. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Bags-energotehnika" d.d. Vogošća, broj int. knjige 10/24, sa ponuđenom ukupnom cijenom nabavke u iznosu od 29.830,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-2277/23 iz decembra 2023. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.


Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Bags-energotehnika" d.d. Vogošća ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Bags-energotehnika" d.d. Vogošća, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).



Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Bags-energotehnika" d.d. Vogošća, za pružanje usluge nabavke i isporuke toplotne energije za 2024. godinu, za potrebe Općine Vogošća, kao jedine pristigle ponude, sa ponuđenom ukupnom cijenom nabavke u iznosu od 29.830,00 KM bez uračunatog PDV-a, odnosno 34.901,10 KM sa uračunatim PDV-om.


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK

Migdad Hasanović

Dostavljeno:

1. "Bags-energotehnika" d.d. Vogošća
2. Nadležnoj Službi
3. U dosije
4. a/a

info@bagsenergotehnika.ba